

神木縣志

1017.85
36
51-4

卷之一

輿地志上

卷之二

輿地志下

道光辛丑年刊

神木縣志

本衙藏板

序

粵稽古代厥有地輿班固則地理
輯成馬彪則郡縣踵紀以及孝侯
有風土之記陸澄傳疆域之編靡
不綜核前聞用資治理然而三邊

序

荒渺之地五原僻陋之區文獻無
徵輪蹄罕到將欲遙尋古蹟博採
遺編負哉難乎其人已神木爲麟
州舊治翟塞巖疆昔隸葭州今屬
榆郡溯千餘年以上兵燹屢遭難

安耕鑿喜二百載以來車書一統
永慶

昇平但以地界邊陲民多苦况長
城月冷霜花入夏而猶飛古戍風
寒柳絮當春而不見人丁日衆里

序

二

甲年荒雖編籍於域中每謀耕於
邊外又况神松莫攷星石難稽荒
邱之斷碣長埋古徑之殘碑久隱
以致忠良姓字湮沒無稱節烈聲
名傳聞各異蓋當時固未有志也

後人豈容易知之王喬庭明府作
宰於斯抗懷自古研心纂輯極力
蒐羅時剛屆乎一年書則編爲四
冊今以縣志告成示余余見其博
而不雜簡亦能賅凡夫風俗人情

序

三

真儼然其如見疆里政事悉灿若
而無遺斯誠爲千古考鏡之資而
不徒一邑紀事之幸也已道光二
十一年歲次辛丑秋七月
賜進士出身

誥授通議大夫升任湖北按察使
司按察使陝西分巡延榆綏兵備
道維州郭熊飛序



序

四

序

神木為古麟州治自宋至明
數百年中烽煙告警歲無
虛日我

朝定鼎中外一家迄今近二百

序

一

年來丘邊外四十九部靡不
輿裘歛貢同我太平以故
宰斯土者得以從宦教養
其中士農工商習其業咸
相與歡聲頌曰向之鞠為

茂草者今則學校聿新矣
白之廢為戰場者今則土田
是闢矣向之居肆不敢開市
不能者今則器用日充貿易
雲集矣於戲盛哉非

序

二

聖天子德化宏專何以致此願
自設縣以來無志可致余於廣
子夏因公出郡途經是邑攝
見王商庭明府曰此邦之人文
獻無徵將如採風尚德其何

以觀答曰某故家舊有抄志
四本闕略不全余即橐而觀
之嘗以修纂全志付明府明
府曰謬久有志未逮願因人成
事焉今越年餘所纂輯稿

序

三

幸陸續寄余閱其中山川人
物風土政事燦然大備偶有
攷據未確者相為商訂復以
志書告竣問序於余弗能
辭曰有志者事竟成君可

謂克勤公事矣留心民瘼此亦
當如是耶斯志也人詎一邑之
風化於是乎在而余不獨為
一邑幸也蓋郡志於是乎資
國史亦於是乎徵焉矣不誠足

序

四

嘉尚乎哉是為序

道光二十一年辛丑秋七月望日

賜進士出身

誥授朝議大夫知榆林府事前
翰林院編脩吏科給事中隨

帶加二級盱江李熙齡撰



序

五

序

邑有志猶國有史史貴簡該志
求詳備盡人而知之也惟備而
不失於繁詳而不流於冗始得
所統綜不至散而無紀耳昔五

序

一

代史褒貶失實經歐陽文忠公
用春秋之法書減舊史之半而
事蹟過之簡而該已其方志宋
有范成大志吳郡施宿志會稽
羅隱志新安皆不下數百卷至

潛說友志臨安卷帙益多而惑
於釋氏果報之說且為賈氏私
人其書雖傳其文難信惟

本朝毛西河之志蕭山宏深肅
括上備

序

二

右文採錄藏之

四庫斯為矯矯若陝志明有韓
邦靖志朝邑康海志武功孫丕
揚志富平皆卓然可觀而意在
文辭考覈或畧即譚吉璉之志

延綏鎮旁搜博採考覈綦詳乃
或謂事必有徵往往傳聞互異
甚矣載筆之難也神邑向無志
書余涖任後徧為詢問得抄志
四本於藏書家未著姓名不知

序

三

出自何人之手第錯雜脫畧不
足以付梓鋟屢欲為之纂輯而
迭年荒歉頻籌賑濟迄未得有
公餘朱友一淞武林博學士也
幕遊塞北三十餘年閱歷既深

見聞斯廣客歲秋與設志事以
神木為從古邊要之區歷朝沿
草或省或置其間豪俊才識忠
烈之士更僕難終雖世遠年湮
風微人往而載於史者可以稽

序

四

諸古傳於世者可以證諸今余
是其言即偕薛畹九廣文遴選
諸生十二人分途採訪延一淞
相與商訂十閱月得輿地建置
人物藝文四總志而分各志類

繫之列為八卷夫以古人之賢
鏤心嘔血勒成一書說者猶不
無訾議况乎輕才譎陋學有咫
聞遽欲履古人之跡且免古人
之譏誠知其非易然而得不計

序

五

失也有或勝無也俾其地其事
其人皆磨滅於兵燹風霜之
內無他求矣若云得所統綜備
而不繁詳而不冗志焉未逮是
所望於後之君子歟

道光二十一年辛丑夏日知神
木縣事蕭山王致雲謹序



序

六